

太原縣志卷之十一

列女

自劉向傳列女後世踵而增之各有成書然或侈美文藝而於婦德則反畧焉唐俗勤儉婦人於織紵之外他非所習也茲採其節孝素著人無間言者錄於篇志列女

魏

阮氏阮衛尉之女許允妻奇醜交禮竟允無復入理家人深以爲憂會允有客至婦令婢視之還答曰桓郎桓郎者桓範也婦云無憂桓必勸入桓果語許曰阮家旣嫁

太原縣志

卷之十一

列女

一

醜女與卿固當有意卿宜察之許便回入內旣見婦卽欲出婦便捉裾停之許因謂曰婦有四德卿有其幾婦曰新婦所乏惟容耳然士有百行君有其幾許曰皆備婦曰夫百行以德爲首君好色不好德何謂皆備允有慚色遂相敬重允爲吏部郎多用其鄉里明帝遣虎賁收之其婦出誠允曰明主可以理奪難以情求旣至允以實對釋之初允被收舉家號哭阮自若曰勿憂尋還作粟粥待頃之允至後爲司馬師所殺門生走入告婦正在機中神色不變曰早知爾爾門人欲藏其兒婦曰無預諸兒事阮徙居墓所師遣鍾會看之若才流及父

當收之兒以咨母母曰汝等雖佳才具不多率曾懷與語便無所憂不須極哀會止便止又可少問朝事兒從之會以狀對卒免

晉

鍾氏司徒王渾妻太傅繇曾孫女與郝氏爲娣姒鍾不以貴凌郝郝不以賤下鍾鍾禮郝法爲世女宗

郝氏王湛妻湛少無婚配自求郝普女旣婚果有淑德爲王氏母儀或問湛何以知之曰曾見井上取水舉動不常未嘗忤觀者以此知之

北魏

太原縣志

卷之十一

列女

二

王氏辛少雍妻有德義少雍與從弟懷仁同居懷仁等事之甚謹閨門禮讓人無間言

唐

盧姨狄懷英之爲相也有盧氏堂姨居於午橋南別墅盧一子狄曰某今爲相表弟有何所欲願悉圖之姨曰老身止有此子不欲其事女主狄大慚而止

宋

折氏岢嵐人楊業妻性警敏佐業屢立戰功及業陣亡潘美王侁畏罪欲掩其事折上書陳夫力戰被困潘王坐視不救以至於死遂削美官爵除侁名

元

武管嬰年十七未嫁至正間避兵其父被執女奔救請以身代父釋女給曰我有金藏井邊眾掘果得爭取之女即投井死後人因名其井曰烈女井

齊氏王履謙妻至正十八年賊陷太原氏與二婦蕭氏呂氏及二女避難於趙莊石巖賊且至度不能免謂二女曰汝家五世同居號爲清白豈可虧節苟生長女曰吾夫已死今爲未亡得死爲幸呂氏曰吾爲中書左丞之孫義不受辱齊氏大喜乃與二婦二女及二孫女俱投岩下死

太原縣志

卷之十一

列女

三

白氏夫爲僧氏年二十留養姑不去服勤織紵以供租稅夫一日還迫使他適氏斷髮不從夫不能奪乃去姑年九十卒竭力營葬肖姑像祀之終身

韓孝女名善母高氏死女日夕號泣其父岡悼亡喪明醫者謂人舌舐之可愈女慟爲父舐之眼得復明人稱孝女之感

安氏名正同王時妻至正十九年時以參知政事分省太原氏從之遇賊攻太原城陷眾皆逃氏與其妾李同赴井死事聞贈梁國夫人諡莊潔

明

劉氏楊素妻素早亡氏年二十五歲號泣斷髮誓不再
事姑存歿以禮訓子以義方始終不渝其節景泰初旌
其門

王氏生員喬黎獻妻年二十生子儒閱八月夫亡氏痛絕
復甦以子幼不卽死矢志不二善事舅姑勉子力學身
列膠庠巡按陳給匾旌表

程氏生員段廷舉妻生子方月餘夫亡氏年二十守節撫
孤事舅姑彌謹歷五十年卒有司旌之

梁氏李文傑妻嘉靖間遇兵於羅城以刃脅之欲污氏不
從兵怒斬其首血濺尺餘屍行數步而仆

太原縣志

卷之十一

列女

四

姜氏李永岡妻嘉靖二十年被兵驅之上馬氏怒罵不從
兵碎其尸

高氏生員張朝宰妻年二十四而寡矢志不二撫二子成
立巡撫趙旌其門

王氏楊春妻年十九夫亡孝事舅姑慈育幼子有司旌之
方氏千戶王貞吉妻封宜人年十八夫卒守節不渝學使
周奉詔旌曰失天早歲矢志終身至子女之靡遺知形
影之最苦引刀而寢富室之謀讓產而甘薄田之入婦
德克備旌典宜膺

趙氏趙維新女適羅繼武子羅初娶婦時曾貸匪人金約

與私之既娶入門匪人先匿氏寢氏知痛舐姑強亦不
納乃誣以他詞訴於官稍繩以法氏赧顏不自白退而
匪人逼如故氏遂自刎有司烈其事弔拜焉

李氏高唐州牧希孟女適晉祠鎮孫印幼通書史能詩歸
孫二載而寡家人欲奪而嫁之氏哭告姑曰從一而終
義也婦勿敢二引柏舟以自矢有勸夫詩弔湘妃等詩
載藝文

司氏同知楊木妻夫早卒庶子傑方在抱氏撫如已出比
間咸稱賢母傑長食餼邑庠每讀詩至蓼莪輒淚下因
作流芳詩以揚母德

太原縣志

卷之十一

列女

五

許氏馬乘雲妻年十八夫貿易卒淮上氏守志撫庶子不
啻已出學使旌其門

國朝

王氏生員韓萬有妻生有懿德翁姑卒萬有哀毀成疾氏
奉養無倦色夫卒氏少孀矢節訓二子毓珽毓瑄讀書
成名邑令部作傳表之

李氏雙節孝廉中馥二女長適諸生高騫三年騫卒時氏
年一十九無所出誓不再適撫六歲之叔毓祥入泮成
家後叔生子承爲己嗣名覲宸亦入泮次適陽曲傅襄
襄亦早亡氏於夫亡日卽服杏仁以殉盛暑蠅不集尸

亦異徵也

李氏中馥孫女適孫振興于歸數載振興卒子女相繼而
天氏年二十三家無擔石侍養翁姑垂三十年邑令殷
表其門

劉氏李承惠妻夫亡撫四歲子榮基孝事舅姑歲饑捐貲
以賑族黨孀居四十餘載雍正七年旌祀節孝祠

劉氏監生李中堅妻年二十五夫亡事翁姑得其意旨教
子讀書列成均守節五十四年蒙旌

楊氏賈家寨生員武玆妻年十八夫亡矢志守節撫子成
立

太原縣志

卷之十一

列女

六

潘氏史復祥妻年二十九夫亡孝姑撫子勤儉治家苦節
三十餘年

王氏賈堯信妻年十七夫亡子梓甫四月族有利其財欲
奪其志者百折不少挫梓娶婦久不乳或勸之置妾氏
曰我半生守孤天必不令絕嗣後果得孫壽九十七而
終

高氏石邦奇妻年二十三而寡家貧衣食不給教二子成
立卒年九十有一邑令旌其門

崔氏生員雷元聲妻少寡守節四十三年子璠列邑庠

石氏生員雷化鳳妻年二十八而寡眾勸改適氏斥以大

義苦節撫四子成立卒年八十九邑令表其閭

楊氏州同楊道光女適處士孟孫蕙年十八夫亡無子勵志守節尋以哀戚成疾其父延醫治之氏曰今日死已晚矣尙服藥求生耶遂卒一時士民公舉貞節縣令給匾旌其門

劉氏張廷源妻有強暴欲污之氏羞忿服毒死有司旌之杜氏古寨村孟光瀛妻少寡矢志守節善事舅姑嚴訓遺子舅姑歿夫有幼弟五人氏皆撫之夫之次弟早亡其妻李亦守節俱蒙旌

暢氏楊阿鳳妻年十九孀居立志撫孤善事祖姑年七十

太原縣志

卷之十一

列女

七

餘訓子作舟食餼於庠孫亦成立蒙旌

孟氏生員段潔妻早寡教養遺孤德昭食餼於庠未幾德昭亦卒氏奉養舅姑生事死葬皆合禮邑令旌之

孫氏王振乾妻年二十一歲夫亡無子撫姪爲嗣事翁姑始終盡禮守節六十餘年邑令旌之

彭氏王德光妻夫亡遺孤介錫甫三歲氏備嘗艱苦矢志教養名列於庠邑令旌之

楊氏在城北街監生彭淑世繼妻年二十一歲夫亡矢志守節撫前生子懷瑾早歲遊庠未幾亦卒遺孫若時甫九歲氏與媳牛氏復撫之讀書成立卒年八十五歲

冀氏在城南街郝文濬妻年二十夫亡矢志守節事孀姑
撫繼子三十七年如一日年八十餘歲而歿

石氏西北格監生劉復興妻年二十八夫亡矢志事親撫
子以賢孝稱守節三十餘年乾隆間建坊旌表祀節孝

祠

姚氏廩生劉廷章妻年二十九夫亡誓不改志守節教子
三十餘年

宋氏閻振祥妻年十七適閻未經旬夫客死於外氏紡績
自給矢志不渝四十餘年

張氏北格鎮馬名煥妻年二十三夫亡家貧遺子甫週歲

太原縣志

卷之十一

列女

八

氏紡績撫育孝養舅姑守節四十餘年

崔氏在城南街生員郝暄妻年二十夫亡撫子紡績勤苦
孝養翁姑守節五十餘年

何氏在城東街段寧妻年二十一夫亡子甫三歲矢志守
節撫孤六十八年見二元孫而終

楊氏郭均妻年二十夫亡遺子文山教養入泮守節五十
餘年邑令旌其門

史氏賈秀妻年二十六歲夫亡遺孤甫四歲氏矢志撫孤
守節三十餘年有司旌之

鄭氏生員王祖堯妻年二十五夫亡遺子魯甫四歲矢志

撫孤成立娶婦魏氏生一女魯旋亡魏年十九亦礪志
自守稱爲一門雙節

趙氏楊纘祖妻年二十八夫亡家貧翁老且病氏孝事十
餘年無間言教子遊庠

以上照府志舊志錄

李氏東溫庄生員張隆祚妻年二十一夫亡誓不再適孝事舅

姑教子登科雍正十三年學政沈公賜匾旌獎曰松筠

晚翠壽八十二歲而終

閻氏大佛寺村王福宜妻年未二十夫亡遺腹生子氏堅
心守節訓子有方卒年八十歲梁邑侯給匾旌表

太原縣志

卷之十一

列女

九

郝三姐赤橋村郝林之女因鄰人語言戲狎捐軀明志乾
隆十三年旌

李氏棗園頭王道隆妻年二十八而寡守節四十餘年教
長子敦化爲邑諸生次子敦臨庚子武舉卒年七十二
歲建坊旌表祀節孝祠

李氏小店鎮劉維漢妻年二十二歲夫亡子方週歲孀居
六十年教子育孫俱能成立乾隆辛巳學師給匾曰母
儀可風卒年八十三見五世孫

吳氏北格鎮王精妻年二十四夫亡家貧紡織自給撫子
枝榮成立娶郝氏生三孫枝榮亦逝郝氏年二十八亦

矢志守節養子皆成立吳氏七十五歲終郝氏六十八歲終司鐸趙公旌其門曰松筠繼美

崔氏郃村生員任重任妻年二十四而孀孝事翁姑嚴課子孫卒年八十二吳邑侯旌其門

原氏南王名村李宗福妻被鄰匪穢詈自縊身死嘉慶六年旌

馬氏小店鎮生員劉銳妻年二十七夫亡二子俱幼家貧守節撫育二子成立卒年八十三歲嘉慶十三年學使黃公以苦節堪欽表其門

閻氏西攢村李廷臣妻孀居守節紡績撫子成立嘉慶間

太原縣志

卷之十一

列女

十

大憲以風垂閩範旌其門

羅氏武家庄任璜妻年二十三夫亡無子繼姪子培德事姑二十餘年有孝聲年近八旬而終嘉慶十四年學使黃公旌其門

原氏大佛寺村王仁妻年二十七夫亡無嗣孝養舅姑繼姪爲子卒年八十四歲嘉慶間黃學使旌之曰貞木長春

侯氏小店鎮李若白妻年二十二夫亡遺子未週歲守節撫孤三十餘年嘉慶十三年學使黃公以守貞延嗣給

匾旌表

王氏吳蓋臣妻年二十一歲夫亡遺一子氏矢志守節孝事舅姑年已七旬嘉慶十五年黃學使以冰心柏操旌之

王氏在城東街段青雲妻夫亡守節年例相符嘉慶十三年旌

周氏賈家寨武可欽妻年二十八夫亡孝事孀姑嚴訓幼子長子迎望補諸生學官署其門曰賢媳孟母其姪女適武世德年二十而寡生子甫九月亦矢志守節族里以爲姪有姑範亦表其閭

章氏王郭村監生張五美妻年二十七夫亡撫孤守節卒

太原縣志

卷之十一

列女

十一

年六十七歲邑令請旌

胡氏同過村王鳴鳳妻年十九夫亡事親撫孤悉盡道孤歿督課諸孫成立現年八十餘歲嘉慶二十一年旌

楊氏張花村劉世珍妻年二十七夫亡遺子女各一家貧氏紡織勤事舅姑舅姑歿撫遺孤兼撫夫之弱弟俱成立學使旌其門曰節孝維風

牛氏王世貴妻年二十夫亡遺一子守節撫孤孝事舅姑年踰六旬公請旌表

崔氏劉生妻夫亡守節年例相符道光五年旌

曹氏開化村牛敏妻被鄰人調姦不從羞忿自服苦杏仁

身死嘉慶十八年旌

何氏賈家寨武麟標妻年三十歲夫亡撫孤若韓入成均
若韓亡媳梁氏二十九矢志如姑邑侯表其閭曰雙節
流芳

續氏張花村生員崔學中妻夫亡守節善事舅姑鍾邑侯
以節孝旌其門卒年七十八歲

崔氏北格鎮監生馬毓衡妻夫亡遺二子俱幼氏矢志守
節善事舅姑撫二子成立鍾邑侯匾旌其門年六十七
而終

以上俱係旌表

太原縣志

卷之十一

列女

十二

張氏小店鎮閻宗武妻年二十三夫亡遺一子甫週歲氏
勤於訓課撫養成人詩禮傳家今及五世年九十三歲
而終

韓氏小店鎮李良根妻年十八夫亡遺子未週歲氏撫之
成室子亦亡遺孫一氏復撫之及見曾孫三人歿年八
十八歲

崔氏在城西街廩生賈駒妻年三十歲夫亡子幼紡績度
日撫子邵學入泮年九十而終

王氏李家庄李壯國妻年二十二歲夫亡有子方五齡氏
守節撫孤沒年八十八歲

武氏在城南街朱天福妻年十八夫亡矢志守節撫孤成立年八十六歲而卒

王氏在城南街工部虞衡司主事李安國妻年二十九夫亡遺二子尚幼氏勤儉守節教子成立年逾六旬而歿
閻氏在城南街李瑾妻年三十夫亡堅心守節撫二子成立年近六旬而歿

牛氏小店鎮劉培元妻年二十三夫亡遺子未週歲氏守節撫孤卒年九十七

張氏古寨村武玉功妻年二十子天寶甫九月夫亡守節三十二年天寶卒媳張氏有遺腹生一子姑媳同撫守

太原縣志

卷之十一

列女

十三

節見兩元孫

安氏在城南街馬士莢妻年二十一歲夫亡守節撫孤年八十六歲終

王氏小店鎮史祖遷妻年三十夫亡守節卒年八十八歲
崔氏鞏家堡任本元妻年十八夫亡遺腹子亦逝矢志不二有病不延醫曰吾不欲以未亡人手使男子診視也
年八十七而歿

張氏西北格村劉世業妻年十九夫亡娠而未育有逼改適者氏曰吾生女則死若生男當爲吾夫保此一脈也
後果生男教養成立年踰七旬而歿

楊氏東里解村焦昶妻年二十九夫亡子幼氏守志撫孤
子亦早逝遺孫錫蕃氏教養成立八成均年八十八歲
而終

賈氏在城南街在秉綱妻年二十八夫亡家計貧乏氏安
貧守節事舅撫孤憂勞成疾年五十餘而歿子銘入邑
庠

彭氏南城角村張存育妻年二十八歲夫亡矢志守節年
踰七旬

馬氏在城北街彭耀先妻年二十九歲夫亡子幼守節三
十餘年

太原縣志

卷之十一

列女

十四

許氏賈家寨武象賢妻年二十八歲夫亡遺子甫三歲守
節撫孤三十餘年子家麟入國學

閻氏屈宋妻年二十九夫亡無子孀居事姑擇繼爲嗣訓
養成立今六十餘歲

宋氏閻萬全妻年十七適萬全未過十日夫貿易遠方不
數月卽故家貧無子紡織以事翁姑孀居五十餘年卒
年七十有三

任氏東溫莊張顯緒妻年二十三夫卒矢志守節撫養二
子成人年六十二歲

武氏北王名村李玉隆妻年二十夫亡守節撫孤孤亡僅

留一孫紡織度日教孫成立年八十而終

靳氏北王名村李如有妻年二十八歲夫亡守節撫養二子成人卒年八十餘歲

翟氏景黃中妻年二十三夫亡子甫週歲專勤紡績撫養弱子成立年五十餘歲而終

張氏任作明妻梁家莊人夫亡年三十事舅姑至孝姑歿舅患噎每飯氏親進咽則喜吐則暗淚而勸慰之至今七十餘歲鄉里稱其節孝

吳氏南吳家堡王貴揚妻年二十三歲夫亡遺一子鳳鳴甫三歲氏矢志守節撫養成立年八十四而終

太原縣志

卷之十一

列女

十五

楊氏西寨村閻曰慶妻年二十八歲夫亡子幼氏教子皆成立事翁姑盡孝嫂歿遺一子氏撫如已出至今七十有二歲

高氏南王名村趙晉臣妻年二十八夫亡家貧無子有姪甫數歲父母俱無氏撫之紡織餬口教姪成立年至八十一歲

張氏武宿村韓連琮妻年二十五夫亡矢志守節年至六十九歲

劉氏鄭村劉翠芳妻年二十五夫亡守節孝事翁姑年八十二而終

甯氏晉祠鎮孫璣妻年二十一夫亡子女俱無獨居五十六年而歿

王氏辛村張萬有妻年二十八夫故家貧子幼孀居五十年而終

張氏同過村陳安仁妻年二十七夫亡安貧守節至九十而終

武氏小營屯廩生蕭天錫妻年二十八而寡守節七十四歲卒

何氏辛村王謨妻年二十二夫亡撫孤守節卒年八旬
楊氏在城東街段世德妻年二十九夫亡無子守節至八

太原縣志

卷之十一

列女

十六

十三歲而終

侯氏店頭村李成妻年二十九夫亡守節五十餘年

喬氏北格鎮生員武克俊妻年二十七夫亡守節三十餘年
年訓子步衢成立

田氏店頭郭士琅妻夫亡年二十八歲無子矢志守節撫幼姪如已出今年逾六旬

陳氏南王名村趙文盛妻年二十歲夫亡家貧矢志撫孤
孝事翁姑以紡織度日歷四十餘年而歿

殷氏南王名村趙元順妻年二十一夫亡遺子方幼矢志
靡他孝事舅姑撫子成立守節五十餘年而終

氏武宿村韓永寧妻年二十一歲夫亡撫前室子如己
出孝事孀姑親族奉匾稱爲節孝慈壽年八十八無疾
而終

牛氏孫家寨孫通妻年二十九夫亡家貧矢志守節撫子
成立現年九十身見五世孫

閻氏橫河村楊榮妻年二十七夫亡家貧氏勤紡績撫孤
育女俱成立今七旬猶勤家政

王氏李家莊李發宏妻年二十六生三子夫亡家極貧氏
以女工撫育三子俱爲成室至今八十二歲

殷氏小馬村閻存旺妻二十八歲夫亡遺一子成立至今

太原縣志

卷之十一

列女

十七

八十餘歲

周氏幸村張顯揚妻年二十四歲夫亡奉舅姑撫遺孤孀
居四十餘年年踰七旬而終

牛氏辛村王訓妻年二十一歲夫亡子甫二歲氏矢志守
節年七十餘歲而終

張氏辛村高全啟妻年二十四歲夫亡子幼家貧氏守節
撫孤成立年踰七旬而歿

陳氏賈家寨蘇盛基妻年三十歲夫亡守貞四十餘年

李氏南格村張思夔妻年二十五夫亡矢志不二治家訓
子年八十餘歲而歿

姚氏孫家寨孫瑞貴妻年二十五夫亡子女俱無誓不

醮敬事舅姑始終勿渝年八十九而歿

黃氏晉祠鎮董才妻年二十四夫亡家貧撫孤孤亡又撫

孫苦節不變至今八十四歲

郭氏赤橋村侯存信妻年十九夫亡家貧撫遺腹子成立

姑失明朝夕承歡數十年如一日節孝雙盡閭里稱之

胡氏棗園頭王元良妻年十九夫亡立志守節事姑有禮

待前子如己出年六十四而歿

榮氏西溫莊冀乾妻年二十八夫亡守節孝順翁姑撫養

幼子年八十餘歲而健

太原縣志

卷之十一

列女

十八

李氏嘉節村武丕承妻年二十五而寡家貧子幼守節五十餘年卒年八十歲

田氏范希昭妻年二十三夫亡遺子甫四歲撫養成立家

貧勤於紡織奉事舅姑至今六十九歲

溫氏高懿儒妻年二十一夫亡毀容去飾撫遺腹子成立

年七十四而歿

王氏大寺村武政妻年二十三夫亡無子家貧守節紡績

自給族人爲之擇繼年七十七而歿

藥氏劉永壽妻年二十三夫亡無子與孀姑並居立志守

節立幼姪爲後事孀姑撫嗣子內外無間守節至四十

餘年而歿

郝氏白觀成妻年二十二生二子夫亡氏孝事孀姑教育
二子守節四十餘年姑現年八十七歲郝氏現年六十
三歲

武氏殷家堡張庸妻年十九夫亡生子期月堅志守節孝
事翁姑教子成立卒年六十七歲

鄭氏在城東街劉義妻年三十夫亡姑老有勸改適者氏
曰家無度用又無兄弟吾舍姑去夫目不瞑勤針指以
事姑二十餘年無異志鄉里皆稱其孝

李氏溫家堡王千妻年二十夫亡家貧守節撫一子四姪
各成立年逾七旬

太原縣志

卷之十一

列女

十九

蘇氏溫家堡侯秉政妻年二十七夫亡金石矢志規矩訓
子年七十五歲

王氏晉祠鎮舉人楊鈞妻性端淑鈞病度不能起以氏年
少爲慮氏毅然曰君無慮妾請先君竟吞金自斃鈞數
日後歿

王氏賈依仁妻事姑甚孝二十七歲夫亡遺二子一女氏
矢志守節子女俱成立年七十餘而卒

高氏木廠頭楊偉妻年二十二夫亡遺一子甫三歲撫育
成立善事舅姑至今六十餘歲

查氏許東村薄萬鎰妻年二十六夫亡遺一子翁姑年邁
家貧氏日夜紡織事親以孝教子成立現年六十歲
孟氏在城東街段涵妻年二十三夫亡遺前室子二俱幼
家貧氏以針指度日口授二子經書皆入邑庠年八十
一歲無疾而終

李氏南楊莊生員杜凌霄妻年二十五夫亡氏孀居守節
教子成立至今七十四歲

趙氏流澗村王美基妻年十八夫亡無子育姪爲嗣治家
勤儉訓子方嚴克有成立年九十餘歲而終

郝氏武宿村韓寶光妻年二十三夫亡子早卒遺孫最少

太原縣志

卷之十一

列女

二十

氏撫養成立至今六十餘歲

武氏古寨村張道宏妻年二十二夫亡家貧矢志撫孤守
節六十餘年卒年八十九歲

許氏北王名村郭全威妻年二十五夫亡守節至今七十
餘歲

范氏古城營王邦杰妻年二十二歲夫亡守節至今七十
三歲

郭氏宋環村閻維城妻年二十六歲夫亡矢志撫孤勤於
紡織禮事舅姑至今六十八歲

李氏南堰鎮李存仁妻年二十七夫亡遺孤方二歲氏

養幼子孝事孀姑二十餘年無間言至今七十有六歲
閻氏羅城村李作棻妻年二十九夫亡守節四十餘年至
今七十三歲

王氏冶峪村董仁德妻夫亡年二十八子僅六歲家貧織
蓆度日至今年近七旬編織如故

牛氏西攢村李克孝妻年二十一歲夫亡於外遺孤甫三
月家極貧無伯叔可依氏苦志守節撫孤子長促收夫
骨歸而葬之至今年近七旬

武氏梁家莊任 妻年二十四夫亡子甫四歲家貧矢志
苦守紡織育子年踰七旬

太原縣志

卷之十一

列女

二十一

李氏南馬村郝 妻年二十一歲夫亡遺孤二歲姑老無
依氏矢志守節奉孤教子俱有禮法現年八十四歲
傅氏范家堡郝之光妻年三十夫亡孀居守孤家貧紡績
自給撫孤成立年七十一歲

杜氏王盛妻年二十四夫亡無子家貧守節年六十一歲
原氏晉祠鎮楊振興妻年二十夫亡家貧苦志守節事翁
姑盡禮孀居三十餘年而卒

康氏南格村魏名信妻年二十五夫亡遺一子苦心守節
撫孤成立迄今九十六歲

曹氏辛村張灼妻年二十二歲子甫週歲灼遠遊歿於外

子長氏命覓父屍亦歿於外氏忍痛苦守現年七十四歲

劉氏孟光榮妻年二十三而寡無子擇姪爲嗣孀居教養克有成立卒年六十七歲

姜氏晉祠鎮監生孫光裕妻幼喜讀書二十三歲孀居撫子善事舅姑並事孀母閨範嚴肅鄉人敬服今年近八旬

李氏下大寺村李亞白妻年二十六歲夫亡生子甫一歲撫養幼孩苦志守節至今七十餘歲

齊氏高家堡高官陞妻年二十九夫亡遺一子守節八十年

太原縣志

卷之十一

列女

二十二

二歲而終

劉氏在城東街段鳴盛妻年三十夫亡翁病氏質衣物奉養調治糞穢親爲澣濯毫無難色年近七旬而終

崔氏李世貴妻夫亡守節五十年至七十三歲而終

劉氏在城東街張光妻年二十六夫亡遺一子家極貧氏勤女工以濟家計六十二歲而終

攸氏辛村張兆鵬妻年二十五夫亡於外家貧子幼兼有夫弱弟未成立氏撫弟育子歷二十餘年子又外出或訛傳殞命氏號泣幾絕旣而曰吾苦節若此天必不絕吾後也數年子果還年至八旬

任氏在城東街段開元妻年三十夫亡守節年八十餘歲
李氏北格鎮馬光裕妻陝西盤屋李樣映女夫經商陝地
與夫同居母家生一子川楚之亂夫避賊歸太原賊大
至氏恐污抱子投河頃之順流淺渚而出又趨之深處
復如前浮出如是者三得不死閱數歲遣子歸籍事父
氏獨在陝十指爲生無怨言夫死子亦成丁迎氏歸晉
至今六十有四歲

郝氏北王名村李正忠妻年三十夫亡二子俱幼氏孀居
教養皆成立卒年八十七歲

劉氏武黃中妻年三十歲夫亡遺子俱幼氏家貧守節至

太原縣志

卷之十一

列女

二十三

七十九歲而終

閻氏在城南街朱宗程妻年三十夫亡家貧氏未閱月服

苦杏仁而歿鄉人表其閭曰志凜冰玉

溫氏王郭村監生張成美妻孀居四十載年七十而歿

張氏武玉功妻年未二十而孀至今七十餘歲

王氏南屯新莊陳登高妻年二十九夫亡守節現年六十

一歲

馬氏西蒲村盧林妻年二十七夫亡遺子俱幼家貧紡織

自給撫子皆成立年踰七旬

王氏在城南街李本妻二十一歲夫亡守節五十餘年

八十餘歲而終

原氏治峪村董豹妻年二十三歲夫亡矢志守節卒年七十五歲

員氏監生任琮妻年二十五夫亡矢志守節撫二子成立萬綸入成均萬通候銓州判年逾七旬而歿

梁氏東街段靖績妻中年夫故家貧孝順翁姑晝夜紡織翁姑歿一切喪葬盡禮至八十五歲而終

以上年例俱符

任氏在城南街王晉妻夫與舅姑相繼而亡氏年二十有四奉祖姑撫幼子孝慈兼盡及祖姑卒子成立氏曰吾

太原縣志

卷之十一

列女

二十四

事畢矣感疾弗藥而卒

白氏李本現妻年二十三而寡生二男一女守節而終女配牛家營胡發才生二子亦二十三而寡守節終身如其母

王氏赤橋村劉昭颺妻年十八夫亡痛悼欲絕以有遺腹忍死待之及產果得男遂整理家務撫孤守節

張氏在城后街王玠妻善事舅姑年二十七歲夫亡矢志撫孤憂勞而歿

郭氏窰頭村王綬妻年二十八歲夫亡氏毀容屏飭垢敝自甘或勸以再則哭泣不食孤長遠出習賈氏孤苦

伶仃十餘年而卒

以上青年守節而享年不永援蓋棺論定之義亦爲採入

梁氏劉家堡王清亨妻年二十一夫亡矢志撫孤至抱孫而氏猶康健

李氏源鎮都孫傑妻年二十三歲夫亡紡織自給矢志冰霜人皆頌之

孫氏趙守基妻年三十歲夫亡日不舉火氏忍苦守節撫養幼子成立

楊氏白莊頭張萃妻年十九夫亡矢志守節撫養幼子成

太原縣志

卷之十一

列女

二十五

立

任氏白莊頭楊靖國妻年三十夫亡於外家計艱難三子年幼氏守節撫孤俱成立

張氏程家峪侯定國妻年二十九夫亡家貧子甚愚氏矢志守節

趙氏白莊頭楊固國妻年十八歲夫亡無子矢志守節爲夫立後撫養成立

以上存沒年齒未經報明第以青年守節克符輿論故並列焉

李氏在城西街賈濟川妻姑性嚴氏曲意承歡三十餘年

無片言拂意家貧以機杼課讀終夜不輟子曰直以鄉
舉成名

師氏在城東街王爾昌妻孝敬翁姑翁臥病七載氏日夜
奉養始終不倦姪子穉年喪母氏撫如已出鍾邑侯以
文旌之

孫氏辛村閭拱妻拱理先世衰緒氏內助甚勤事孀姑曲
盡孝道能以志養尤喜調卹貧鄰現年八十三歲子孫
曾元男女內外七十餘口馭之循循有法鄉人奉爲母
儀

亢氏城北村崔業妻業幼家貧遠遊古豐氏力事舅姑姑

太原縣志

卷之十一

列女

二十六

病不能動履者八年一切污穢皆氏手自揩洗日夜奉
養毫無倦色邑副貢段鳴岐贊云八年事姑寒暑同
厠媮手洗孝傳里鄉

孫氏馬超凡妻性仁孝祖母白氏臥病三載氏朝夕奉養
無倦色翁年踰八旬雙目失明氏每日三餐親自奉養
始終不懈

郭氏晉源都武天裕繼室姑性嚴氏奉志承歡卒以孝聞
撫前室子無異已出又乳前室之外孫成人孝慈兼盡
人無間言

安氏大寺村武天敘繼室有前室子二俱撫如已出姑年

八十病瘵不能轉側氏日夜撫持奉養周至及夫病氏
以一身事兩病人辛苦備至夫與姑相繼而亡喪葬畢
哀憫成疾而卒

王氏小北格武克謙妻夫早亡事姑姑病進藥必先嘗之
姑歿翁年八十二歲雙目失明者九年氏竭力扶持朝
夕不懈現年七十八歲

王氏東莊高聯會元配事姑竭盡孝道姑病數年躬侍湯
藥毫無倦色兄嫂早亡遺子未及週歲氏乳養成入鄉
人稱其賢孝焉

以上孝婦

太原縣志

卷之十一

列女

二十七